



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 20. Quanta sit obligatio Sacerdotum Societatis Jesu ad Missas, quæ
ipsis quandoque præscribuntur legendæ.

urn:nbn:de:hbz:466:1-42624

168. Q. 20. *Quanta sit obligatio Sacerdotum Societatis IESU ad Missas, quæ ipsis quandoque prescribuntur legendæ.* R. §. 1. *Quamvis peccare possint Superiores, si curam non habeant, ut scribantur, qui Missas legant vel orent, præsttim pro fundatoribus & benefactoribus, uti responsu Româ Anno 1604., tamen particulares, qui Missas & preces præscriptas non persolvunt, per se loquendo, non peccant, Suar. De Relig. Tom. 4. t. 10. l. 8. c. 2. n. 5. Hautin. in patroc. Def. l. 2. n. 612. Non videntur tamen satisfacere Regulæ, qui Missas à se legendas legunt per alium, uti responsum Româ Prov. Rheni sup. 1634. Attamen satisfacit cras lecturus primicias, si hodie pro obligatione, cuius tempus advenit, oret Rosarium, uti eidem responsum 1639.; sed debere non in genere sed in particulari applicari pro illis necessitatibus, quibus assignatae sunt, responsum est Prov. Venetæ 1619.*

169. §. 2. *Missæ pro Defunctis ejusdem Ordinis, sive indicantur per generales constitutiones Ordinis, sive ex particularibus Regulis, sive ex Superiorum præscripto, non obligant sub mortali, quia ista tantum habent rationem simplicis mandati, nisi accedat præceptum obedientiæ: & hoc esse omnium iudicium ac usum, dicunt Pelliz. Tom. 1. t. 5. c. 9. n. 12. Hautin. n. 617. Quoad Missas, quas in aliis Ordinibus præcipiunt Superiores, accepto pro eis stipendio, vide dicenda n. 214. ; An autem Sacerdotes Societatis IESU possint legere Missas pro stipendio, dixi l. 4. à n. 136. & hic n. 146.*

170. §. 3. *Ex Decreto octavo Congreg. generalis XIII. Missa & Rosarium pro Defunctis in Socie-*

Societate legitur post festum Animarum primâ die non impeditâ per Ecclesiam, non obstante renovatione studiorum, uti testatus est, qui Congregationi illi interfuit; & ita observatur hic Coloniæ. Cantatur tamen pro renovatione Missa voriva de Spiritu Sancto. Pro Defunctis verò reliquæ Missæ leguntur, prou festo Animarum, omissa in orationibus, famularumque. Et pro renovatione studiorum Missa & Rosarium indicuntur pro die sequente.

§. 4. Missæ affixas tempori, nempe quæ legi debent omni mense vel septimanâ, præponendas esse illis, quæ legendæ sunt pro Defunctis, respondit P. Mutius Germaniæ 1634. ; quod puto intelligi, si aliæ essent omittendæ, nam si omnes legi possint intrâ statutum tempus, charitas videtur suadere, ut priùs juventur Animæ magis indigentes.

§. 5. Missæ dictæ, quarum obligatio affixa est certo tempori, v. g. septimanæ, si eo tempore ob impedimentum, v. g. ob morbum, non potuerint legi, non necessariò postea supplendæ sunt, sed omitti possunt, uti responsum Prov. Rheni 1585. E contrâ si ex negligencia sint omissæ, debent suppleri, Prov. Tolos. 1629.

§. 6. Si Missæ vel preces indicantur ad tempus indefinitum, satis est dicere ad duos vel tres menses; Prov. Neapol. 1603.

Q. 21. Quid præterea notandum sit circa alias obligationes Sacerdotum circa Missas. R. seqq. §. 1. S. Th. 3.p.q.82.a.10. Sot. Silv. Suar. Laym. Regin. aliquique cum Aversa De Euch. q. 10. f. i. §. Quartò. docent Sacerdotem, etiam non habentem curram animarum, peccare, per se loquendo, si non celebret in præcipuis festis, & maximè illis die-